

05 Oct. 2025

मार्निंग डोगरी न्यूज़ बुलेटिन,

समा. 09.20 Hrs

Headlines

- मुख्मन्त्री उमर अब्दुल्ला होंरें सब्भनैं जिलें ते मैहकमें गी खराब मौसम दी चेतावनी दे चलदे पूरी चाल्ली तयार रौहने लेई आखेया ऐ ते मेद प्रगट कीती ऐ जे मौसम विभाग आसेया जारी पेशगी चेतावनी, बेहतर प्रतिक्रिया च मददगार साबत होग।
- मंत्री सतीश शर्मा होंरें जम्मू-कश्मीर च जरूरी चीजें-बस्तें दी सप्लाई दे दस्तेयाबी दी समीक्षा कीती पेट्रोल, डीजल ते गैस सिलेंडरें दी बंड सप्लाई च बाद्दा करने दा निर्देश दिता।
- जम्मू-कश्मीर सरकारैं नमें GST सुधारें गी लागू कीता, उपभोक्ताएं दी स्हूलत लेई सुविधा केन्द्रें दी शुरुआत।
- सेना प्रमुख उपेन्द्र द्दिवेदी होंरें पाकिस्तान गी खबरदार करदे होई आखेया ऐ जे आइंदा ओहदी कुसैं बी हिमाकत पर भारत कोई संयम जा लिहाज नेंई करोग।
- खराब मौसम दी चेतावनी गी ध्यानैं च रखदे होई श्री माता वैष्णो देवी यात्रा 5 कोला 7 अक्टूबर तोड़ी बंद रखने दा फैसला लैता गया ऐ।

<><><><><><>

CM Weather Advisory

मुख्मन्त्री उमर अब्दुल्ला होंरें मौसम विभाग राएं दिती गेदी चेतावनी गी मददेनजर रखदे होई बक्ख-बक्ख विभागें दी तयारियें दा जायजा लैने लेई उच्च स्तर दी बैठक रखी। एह बैठक सिविल सचिवालय श्रीनगर च करोआई गेई। मौसम विभाग नै पच्छमी हवाएं च बनी दी ताजा खौदल आहली स्थिती दा असर जम्मू-कश्मीर च अज्जै थमां पौने दे असार दस्से दे न, जेदे करी बक्ख-बक्ख क्षेत्रें च बरखा ते बर्फबारी होई सकदी ऐ।

मुख्यमंत्री होरें सब्भनैं सरबन्धी विभागें गी तयार रौहने आस्तै आखेया तां जे फलें दी फसलें च कोई नुकसान नैई होऐ। जरूरी समेयान दी सप्लाई लोकें तगर बनी रवै ते सिड़कां ते हाईवे इस दौरान ठीक रौहन। उनें इस बैठक च इब्बी गलाया जे सरकार दी प्राथमिकता इस दरान पूरी चाहली तयार रौहने दी ऐ, तां जे ओह कुसै बी चाली दे हालात दा सामना करी सकैं।

<><><><><><>

JK- Bank CM Relief

जम्मू-कश्मीर बैंक नै जम्मू-कश्मीर च हाल च आए दे हाड़े करी प्रभावत लोकें दी राहत ते बाअबादकारी दे कम्मैं च समर्थन देने लेई 4 करोड़ 10 लक्ख रुपे दी रकम मुख्यमंत्री राहत कोष च सहयोग दे तौरा पर दिती ऐ। बैंक दे मुख्य कार्यकारी अधिकारी ते प्रबंध निदेशक Amitava Chatterjee होरें कल 4 करोड़ 10 लक्ख रुपे दा चैक मुख्यमंत्री उमर अब्दुल्ला होरें गी सौंपेया। मुख्यमंत्री होरें एहदे पर बैंक दी सराहना करदे होई इस नेक कम्मैं च सहयोग लेई आभार प्रगट कीता ते बैंक दे प्रबंधकें ते सब्भनैं मलाजमें दा बी धन्नवाद कीता। मुख्यमंत्री होरें आखेया जे इस चाली कुसै बी संस्थान जां इदारे आसेया सहयोग देने लेई अगगे औना इस गल्लै दे धेड़यै गी पक्का करदा ऐ ते इस ओक्खी घड़ी च हर कोई प्रभावत लोकें दे कन्नै खड़ौते दा ऐ।

<><><><><><>

Satish Essential Supplies

जरूरत दी चीजें गी बगैर कुसै रुकावट पुजाना सुनिश्चित करने आस्तै खाद्य, नागरिक आपूर्ति ते उपभोक्ता मामलें दे मंत्री सतीश शर्मा होरें कल जम्मू च एल.पी.जी. सिलेंडर, पेट्रोल ते डीजल दी सप्लाई गी बधाने आस्तै निर्देश दिते। मंत्री होरें बक्ख-बक्ख विभागें दे अधिकारियें ते तेल कम्पनियें दे प्रतिनिधियें कन्नै बैठक दे दौरान जरूरी चीजें दे भंडार दी समीक्षा करदे होई ए निर्देश दिते। मौसम विभाग दी चेतावनी दे मददेनजर उनें विभागें गी बगैर कुसै रुकावट दे जरूरी समेयान दी निर्विघ्न सेवाएं आस्तै वितरण नैटवर्क होर मजबूत करने लेई बी आखेया।



JK Govt. -GST Reforms

जम्मू-कश्मीर सरकार नै 22 सितम्बर 2025 थमां प्रभावी नमीं पीढ़ी दे GST सुधार 2.0 दी अमलावरी आस्तै कम्मकाज शुरू करी दिते दा ऐ, जेड़ा राष्ट्रीय कर युक्तिकरण अभियान दे मुताबक ऐ ते ते उपभोक्ता कल्याण आली बक्खी अपनी प्रतिबद्धता गी मजबूत करा रदा ऐ। कुशल, पारदर्शी ते जन-केन्द्रित निष्पादन सुनिश्चित करने आस्तै सरकारै सारे खास विभागें गी जियां के राज्य कर, स्वास्थ्य चिकित्सा, शिक्षा ते उद्योग समेत होर विभागें च मानक संचालन प्रक्रिया यानी S.O.P अपनाई ऐ। जिला ते मंडल प्रवर्तन टीमां बजारें च निगरानी तेज करगन ते GST सुविधा केन्द्रें ते हर जिले च क्षेत्रीय हैल्पलाईन दे नैटवर्क दे माध्यम राएं नागरिकें गी मदाद करगन।



GST Reforms –Leather (Byte)

सरकार पासेया आंदे गेदे माल-समयान ते सेवाएं सरबन्धी टैक्स GST दियें दरें च बदलाव कन्नै हर वर्ग खुश ऐ। होरने चीजें-बस्तें आहला लेखा चमड़े दे बने दा समयान जेहदे च बूट-नुक्कां बी शामिल न, पर लगने आहले GST गी 12 प्रतिशत करी दिता गया ऐ। ढाई जहार रपे तोड़ी मुल्लें दे बूटें दे जोड़े पर हून छड़ा 5 प्रतिशत गै GST लगगोग। इस्सै चाल्ली चमड़े कन्नै तयार होर दुए समयान, जेहदे पर 12 प्रतिशत GST लाया जन्दा ऐ उब्बी इस कटोती कारण सस्ता होई गया ऐ जेहदे नै चमड़े दे बपारी, कारोबारी बी खुश न ते ग्राहक बी.....(बाईट)



Army Chief Pak (Byte)

सेना प्रमुख जनरल उपेन्द्र द्रविंदेदी होंरें आखेया जे भारत आसेया आइंदा आप्रेशन सिंदूर दे दरान दस्से गेदे संयम दा प्रदर्शन नैई किता जाग ते जेकर पाकिस्तान आसेया बन्ने पारा आतंकवाद जारी रौहन्दा ऐ ते भारत उसी पूरी तगड़ेयाई कन्नै बिना लिहाज कीते बनकदा परता देग। राजस्थान दे श्रीगंगानगर च स्थित घड़साना आर्मी कैंट च जनरल द्रविंदेदी होंरें सैनिकें गी सम्बोधत करदे होई आखेया जे पाकिस्तान अगर कोई नमीं हिमाकत दी कोशश करदा ऐ तां उसी भूगोल च बने रौहने जां इतिहास बनने दे विकल्प चा इक्क चुनना होग।
उनें आखेया.....(बाईट)

<><><><><><>

SMVD-Yatra Suspension

मौसम विभाग आसेयी मौसम दे खराब रौहने बारे जारी जानकारी गी ध्यानै च रखदे होई श्री माता वैष्णो देवी श्राईन बोर्ड नै माता वैष्णो देवी जी दी यात्रा 5 कोला 7 अक्टूबर तोड़ी स्थगित रखने दा फैसला लैता ऐ। उआं 8 अक्टूबर गी एह यात्रा परतियै ब्हाल करी दिती जाहग। बोर्ड मुजब त्रंऊ दिनें लेई यात्रा रोकने दा फैसला श्रद्धालुएं दी सुरक्षा ते सलामती गी ध्यानै च रखदे होई एहतियात दे तौरा पर लैता गया ऐ। यात्रियें गी सलाह दिती गेदी ऐ जे ओ यात्रा शुरू करने कोला पैहले श्राईन बोर्ड दी अधिकारिक वैबसाईट जां होर संचार माध्यमें राए ताजा स्थिति बारे जानकारी हासल करी लैन। श्राईन बोर्ड नै इस फैसले कन्नै लोकें गी होने आहली असुविधा लेई मुआज़रत जाहर करदे होई सब्भनें अगगे सहयोग करने दी बी अपील कीत ऐ।

<><><><><><>

JKPSC Exam Restrictions

असिस्टेंट प्रोफैसरें दी भर्ती आस्तै जम्मू-कश्मीर लोक सेवा आयोग (JKPSC) राएं 7 ते 8 अक्टूबर 2025 गी आयोजित होने आहली परिक्षाएं दे मददेनजर जिला मैजिस्ट्रेट जम्मू डॉ. राकेश मिनहास होंरें जम्मू जिले च स्थापित अधिसूची परीक्षा केन्द्र दे कोल-कश प्रतिबंध लाने दा आदेश दिता ऐ। अधिसूचित परीक्षा केन्द्रें दे 100 मीटर दे दायरे च 5 जां एदे शा मते लोकें गी इकट्ठा होने पर लाया गेदा ऐ। 7 ते 8 अक्टूबर 2025 गी

बड्डलै 8 बजे थमां शामी 6 बजे तोड़ी प्रवेश पूरी चाली बंद रौहग। इस दौरान छड़ा अधिकृत कर्मियें गी उत्थे रोक दिता जाग ते इस आदेश गी नेंई मनने आहलें व्यक्ति गी सजा दिती जाग।

<><><><><><>

MGNREGS Ramban (Byte)

जिला प्रशासन रामबन महात्मा गांधी राष्ट्र ग्रामीण रोजगार गारंटी स्कीम यानी “मनरेगा” जिसी कार्यकर्ताएं आस्तै कनूनी अधिकार मन्नेया गया ऐ, ओदी लोकें च जागरुकता लेई कम्म करा रदा ऐ। अगर सरकार इस अभियान दे हेठ आवेदक गी मंगने दे 15 दिन तगर कोई कम्म नेंई दिंदी ऐ ते उसी बेरोजगार भत्ते दा हकदार मन्नेया जंदा ऐ। मनरेगा केन्द्रीय सरकार दी स्कीम ऐ जेदे राएं अकुशल शारीरिक श्रम दे लोकें गी घटटो-घट्ट 100 ध्याड़ियें लेई कम्म दिता जंदा ऐ। इस बारे गल्ल करदे होई रामबन दे Assistant Commissioner मोहम्मद अशफाक होरें आखेया

<><><><><><>